

欽定四庫全書

普濟方卷三百七

諸蟲獸傷門

蛇傷 附論

明 周王朱楠



撰

夫蛇火蟲也熱氣炎極為毒至甚五方所出名稱不同
惟廣南尤多彼山崇地濕水火蒸鬱所生最盛蘄黃之
地蛇類稍衆南方有一山居水中當四五月之交羣蛇

吐毒氣凡高數丈蒸若雲霧每至中夏瘴氣盛行亦緣此也凡蛇類不可悉狀其毒極微不能殺人者惟花蛇烏蛇故入藥品凡見蛇不言正名但云虫及地索之類以避之或入山及履深草宜帶雄黃麝香避之蛇入人家者燒殺羊角令烟遍覆即去矣 青蝻蛇正綠色喜緣木及竹上與竹木色一種人卒不覺若人入山林中行脫能落頭背上然自不甚嚙人嚙人必即舂可屢肆其毒此蛇無甚大極大者不過四五尺世人皆呼為青

條蛇其尾二三寸色異者名矯尾最烈 凡中蛇不應言蛇皆言虫及云地索勿正言其名也惡蛇之類甚多而毒有差劇時四月五月中青蛙三角蒼虺白頭大蜴六月七月中竹猗艾腹黑甲赤目黃口反鈎白蛙三角此皆蛇毒之猛者中人不即治多死又有赤連黃領之類復有六七種而方不盡記其名水中黑色者名公蠺山中一種亦相似不常聞螫人又有鈎蛇尾如鈎能倒牽人獸入水沒而食之又南方有叟蛇人物傷之不死

終身伺覓其主雖百人衆中亦直來取之唯遠出百里乃可免爾又有施蛇長七八尺如船施狀毒人必死即削取船煮汁清之便差凡大蛇多是神不可妄殺之又額上有白色狀如王字者有靈或有角形者此是欲變為龍也但蛇類雖多今皆以青條矯尾白頸艾腹其毒尤劇大者中人若不即治一日間舉體洪腫皮肉圻爛中者尚可得二三日也青蝥中人立死虺毒急於衆蛇不早療之多斷人手足凡被蛇螫第一禁第二藥無出

此二者有全劑雄黃麝香可豫辦今凡俗知禁者少尋按師術已致困斃惟宜勤事諸藥或輕行草路何由皆齋方書故山居者宜令知禁法也又惡蛇螫著人即頭解散言此蛇名黑帝其瘡冷如凍凌此大毒惡不治一日即死若頭不散此蛇名赤帝其毒小輕瘡上冷不治故得七日死凡蛇傷瘡未愈禁熟食便發治之依熟食初被螫法也 蝮蛇者形不甚長頭匾口尖頭斑身赤紋斑色亦有青色黑色者人犯之頭腹貼著地者是也

東間諸山甚多其毒最烈草中行不可不慎又有一種狀如蝮而短有四脚能跳來嚙人東名千歲蝮中此必死然其嚙人竟即跳上樹作聲云斫木斫木者但營棺具判其不救若云博叔博叔者猶可急療吳中呼藥云叔故也

方

大黃湯 治毒蛇傷

牛膝

大青草

下馬草

胡麻草

鐵刷草

將軍草

槐樹頭

淡竹葉

小青各等分

右同搗汁用煮酒調服祖傳瘡口將針破傷處用葱鹽湯洗淨方可傳如無將軍草雄黃少許

白礬散

出聖惠方

治諸毒蛇所傷解毒

白礬

煑汁枯研

殺羊角

燒灰研各半兩

乾薑

炮一兩

射罔

一分

雄黃

麝香

研各一兩

右為細散用傅瘡上凡蛇畏雄黃疑有蛇處於舍下微火燒雄黃蛇並散

蛇咬丹 治毒蛇傷

野菊花 二錢半 麝香 二錢研 香白芷 各一錢 雄黃 二錢研

右為末用好醋調擦

雄黃散 治諸毒蛇咬毒氣攻心迷悶

雄黃 研 麝香 研 乾薑 炮為末各半兩 巴豆 一分去皮膜心出盡油研

右和勻每服一字以新汲水調下纔中便服得利則

毒氣微消未利更一二服一方用丹砂

椒黃傳方 出十便良方 治一切毒蛇咬迷悶

閉口椒 一兩為末 蒼耳苗 五兩為末 生薑汁 二合 硫黃 半兩為末

右相和傳之

椒香方 出聖惠方 治毒蛇咬毒氣攻心腹悶亂方

豆豉 四兩 椒 去目并閉口 薰陸香 各三兩 白礬 燒灰二兩

右以相和爛搗以唾調傳傷處

牛角散 治蛇螫人竅出血凡蛇瘡未愈禁熟食犯此

便發治依初螫法 出聖惠方

貓兒糞 三兩燒灰 乾薑 一兩剉 梟黃 一兩 牛角腮 二兩燒灰

右為散以津唾調傅於螫處

雄辛散 治惡蛇風犬咬傷

詩曰細辛草撥及雄黃好酒研來入麝香不問惡瘡并惡犬管教一服便安康

右等分為細末每服二錢好酒調下

半夏散 治蛇咬方

麝香 雄黃 半夏 巴豆

右等分為末傅之

麝香散 治蛇螫人竅出血凡蛇瘡未愈禁熱食犯此

便發治依初螫法

麝香一分 雄黃一分 半夏一分

右細研令勻傅之即愈

蒼耳散 治蛇螫人竅出血

白礬二兩 大麻葉五兩 蒼耳莖葉五兩

右用水一斗煮至六升去滓下白礬末温浸之

細辛散 治毒蛇所傷方

細辛

白芷 各五錢

雄黃 二錢

右細研令勻入麝香少許每服二錢溫酒調服諸般惡毒自散而安又一方有白芨

治諸蛇毒方

男子陰間毛二七莖含之有汁即咽却秘方也

中蛇毒勿渡水則痛甚於初螫

亦當先存想作大蜈蚣前已隨後渡若乘船渡不作

法殺人

輕粉散 治蛇傷

舊墨 一塊指大 輕粉 一盞 亂髮 一拳大
燒存性

右為末好酒調服一過便愈或傳咬處

雄黃散 治蛇咬及惡瘡痛

雄黃 半夏 生 乾薑 生各等分

右為細末貼蛇咬處及惡瘡上

石灰散 治蟲蛇蜂蠍蛇蜘蛛沙蟲等傷

蜈蚣草 梟黃 石炭 各等分

右搗為末傳螫處

桂香散 治諸蛇咬毒氣攻心

桂皮去麤 枯萋根各二兩

右為末以小竹筒盛密塞帶行卒為毒蛇所傷即傳之此藥療諸蛇毒塞不密則氣泄不中用

二蟲膏 治諸蛇毒氣攻心迷悶

地龍五枚 蜈蚣一枚端午日收赤足者

右以相和爛搗傳之

椒蒜傳方 治諸蛇咬痛腫

椒合口及閉目 蒜各等分

右用同搗令熱傳之瘥一方用蒜葉

礪砂散 治諸蛇咬痛腫

右以礪砂一兩細研為末以園内生萋葱就上取却

葱角尖傾入礪砂末却以角尖覆一七日握出葱傾

礪砂汁於一張緊薄紙上陰乾每所傷處取錢孔大

紙貼之立愈

青黛散 治蛇毒及一切蟲傷但有少氣可以下藥即活神效不可言

倉卒無藥去處以大藍汁一椀雄黃二錢調勻點在所傷處并服其汁無藍靛花青黛代之亦可仍用艾灸咬處

椒葫方 治蝮蛇毒

右取合口椒葫蒞苗等分傅之無不瘥

胡粉散 治蝮蛇毒

大蒜 胡粉

右搗和傅之

鹿角散 治蝮蛇毒

猪脂 鹿角灰

右以和塗之

大蒜方 治蛇螫人瘡已愈餘毒在肉中淫淫痛癢方

大蒜 小蒜 各一升

右合搗以熱湯淋汁灌瘡大良一方小蒜汁滓薄上

麥門冬散 治惡蛇咬傷頰仆不可療者及毒氣入腹
遍身腫痛

右用香白芷為末麥門冬去心濃煎湯調下頃刻咬
處出黃水盡腫消皮合仍用此藥滓塗傷處如氣未
絕無不活者若傷輕只用辣母藤按傳之更酒調雄
黃亦妙以新汲水調下半兩許毒氣自消一方用熟
酒調下諸方皆用麥門冬水蓋欲先護心氣也昔臨
川有人以蛇貨藥為業一日方作場為蝮所嚙即時

殞絕一臂大如股少頃遍身皮脹作黃黑色遂死有
一道人旁觀出言曰此人死矣我有一藥能療但恐
毒氣益深或不可治諸君能與證明方敢為出力衆
咸竦踊觀之乃求錢二十文以往纔食頃奔而至命
汲新水解裹中藥調灌之四體應手消縮良久復故
其人能起與未傷時無少異遍拜觀者且鄭重謝道
人道人曰此藥不難得亦甚易辦吾不惜傳諸人乃
香白芷一物也法當以麥門冬湯調服適來事急不

暇姑以水代之吾今活一人可行矣拂袖而去郭邵州訪得其方嘗有鄱陽一醫調一升以杖扶傷者口灌入藥盡覺臍中搯搯然黃水自其口出一卒夜直更舍為蛇嚙腹明但赤腫欲裂以此飲之即愈

薑黃方 治諸蛇毒螫人欲死

右用乾薑雄黃等分同研小絹袋盛繫臂上男左女右蛇聞藥氣逆避人螫毒傳之

細辛散 治蛇咬

右藥細辛雄黃等分為末津調傅亦可

雄黃餅子散 治蛇咬欲死方

右用雄黃不拘多少蒿苳汁和作餅子候乾為末每用少貼瘡口立愈一方好酒調化服就用藥塗傷處

櫻桃散 治諸腫蛇傷

右以櫻桃葉用生薑同搗碎入酒搗研傅之服滓傅傷處一方無薑服之

茜草散 治土蛇咬

先用蓼草搽於咬傷處後用茜去根搗碎用井花水調服日進三五服滓傳傷處

蛇毒

先密取荇葉當其上穿勿令人見以再覆瘡口上一時著葉當上穿穿即折牙出也

又方

細辛

白芷 各一錢碾

雄黃 一錢研

加虎骨麝香

雄靈散 治毒蛇所傷昏悶欲死者

五靈脂

一兩真者酒洗去砂石乾用

雄黃

半兩明好者研

右為細末每服二錢酒調灌之就以藥末調塗傷瘡口良久再一服神驗昔有人被毒蛇傷良久已昏困有老僧以酒調藥二錢灌之遂醒及以藥津塗咬處良久復灌二錢即愈凡有中其毒者用之無不驗也一方無雄黃

白芷散 治毒蛇咬

右用婦人札髻繩扎定瘡處如無頭繩麻油繩亦可
須用雄黃香白芷末糝之用新汲水調末服之或熱
酒送下皆良一方無雄黃單用香白芷末搽服又云諸方
皆用麥門冬水蓋
欲先護心氣也

地靈散 治青蝻蛇螫

地靈 三條 鹽 半兩 炒

右相和研令爛以麪圍毒處傅藥於上須臾化為水
不過三兩度

雄礬方 治蛇傷

詩曰忽然蛇咬傷雄黃與白礬一時研來搽毒住不
等閒

治蛇蟲傷

巴豆數粒研貼瘡

蓼汁飲

右搗生蓼絞汁飲之少少以滓傅瘡上又按藍青傅
之

治諸蛇咬痛腫

用黑豆葉五兩細剉搗傅瘡上日四五度用一方唾塗咬處嚼豆葉傅之

蝨蟲散 治蛇螫人竅出血凡蛇瘡未愈禁熟食犯此便發

依初螫法用蝨蟲初食牛馬血者二七枚燒為灰以溫水調服

治蛇螫人竅出血

用黑豆五升碾碎分為二分於盆中以水浸過三寸深令浸螫處良久去舊豆著新豆復浸三兩易愈兼以豆為末以調服之妙

治蛇入口并入七孔中

用割母猪尾頭滴血著口中即出并著孔中得

治因熱逐涼睡有蛇入口中挽不出毒蛇所傷

用以刀破蛇尾入生椒三二粒裹著即出有人伐木倦卧山中遭此得是法遂活此蛇有逆骨慎不可以

力拔之無椒但辛物亦可

雞角散 治天蛇傷

用雞子白刷瘡上候痒燒皂角為末糝之

治蛇傷毒

用繩縛住兩頭以五加皮葉搗爛敷貼

又方

用烏桕葉搗爛敷貼傷處及葉於口嚼汁服愈

治毒蛇及一切蟲傷但有少氣可以下藥即活神效不

可言

用貝母為末調酒盡量飲之頃刻酒自傷處為水流

出水盡為度却以藥滓傅瘡上若所傷垂死但有少

氣服此即活一方以貝母末塞瘡口妙不可言

蘇韜光寓

務光城外魁星館有人書此方於壁間云此方神效

治一切蛇毒所傷方

赤脚大蜈蚣 一條瓦上焙乾

雄黃

巴豆霜 各一錢

麝香 少許

右為細末以杏核數箇各磨成一竅去仁填藥在內
令滿却以蠟塞竅臨時蠟丸以針挑藥末塗傷處候
黃水出即瘥畢後塞其竅一枚可救數人

治蛇傷 石中黃散

槐花頭

五倍子

去蝗

石中黃粉

右各等分為末水調塗

治蛇傷

先用冷水洗後用茱萸二合水一碗研取汁服之將

滓傅瘡一方用酒調下油調傅

治因熱逐涼睡熟有蛇入口中挽不出方

用艾炙蛇尾即出若無火以刀同匣割蛇尾截令皮
斷乃將皮倒脫即出小品同之七八月中諸蛇毒旺
不得曳皆嚙草木即括死名為蛇舐此物傷人甚於
蛇螫即依蛇之螫法療之

治蛇入人口并七孔中者方

以患人手中指等截三歲大尾猪以器盛血傷蛇瀉

血口中拔出之

治為卒蛇繞不解方

用熱湯淋之無湯令人尿之

治蛇嚙方

用人尿塗之帛裹即消

治蛇毒方

用消蠟注瘡上不瘥更消注之

又方

用母猪耳中垢傅之牛耳垢亦可用

治蝮蛇毒方

令婦人騎度三過又令坐上一方令婦人尿瘡上

又方

用生麻楮葉合搗以水絞去滓漬之

又方

用薑末傅之乾復易一方以射罔塗腫上血出即愈

又方

用雞屎二七枚燒作灰投酒中服之一方用雞糞白燒灰酒調

又方

用麪圍上令童男尿著中燒鐵令赤投中冷復燒著之二三度瘥

又方

用搗紫莧取汁飲一升以滓封瘡上以少水灌之又搗冬瓜根以傅之

又方

用梳中垢如指大長一寸尿和傅之

又方

用青銅傅瘡上

又方

用灸梳汗出熨之

治蛇傷方

用酒研水邊烏柏根喫即活

治蛇骨刺人毒痛方

用鐵精如大豆許內管中吹內瘡中良亦用鐵粉
又方

用燒死鼠為末傅之

治蛇傷

用續隨子半生半炒為末酒下三月九箇四月十二
箇五月十五箇三服隨月加減

治毒蛇尿草木著人似刺劄便腫痛肉爛若手脚著之

指節墮脫落方

用研砒霜和膠清塗之

治毒蛇

用秦龜肉可生搗者傅之

治蛇傷

用蚯蚓乾者熬末用之

主蛇中人

用刮蠓龜尾以傅之便愈抱朴子云蠓龜噉蛇南人

皆帶纓龜尾以辟蛇也

治毒蛇醫方

用菰蔣草根灰取以封之其草似燕尾者是大效

治蛇咬瘡

用煖酒洗瘡上日三易

辟眾蛇方

生薑

雄黃

乾薑

各等分

右麓杵以絳囊盛男左女右臂繫之蛇則迸走若被

蛇傷即用貼之立瘥又方以雄黃帶之入山林即不

畏蛇

治蝮蛇瘡

用石龍藤絞取汁洗并服之汁亦去蛇毒心悶刀斧

諸瘡封之立瘥

治蛇咬毒入腹者

用取兩刀於水相磨飲其汁

治蛇虺螫人

用獨頭蒜酸草搗絞傅所傷處

治蛇咬瘡

用蒜去皮一升搗以小便一升煮三四沸通手即入
漬損處從夕至暮被初咬未腫速嚼蒜封六七易

治毒蛇螫人

用搗地榆根絞取汁飲兼以漬瘡

治蛇咬

用董汁生杵傅之毒即出矣

治一切惡蛇所咬命欲臨死方但一切惡蛇所傷先用

繩索迎頭繫定不使毒入臟腑即傷人性命也

雄黃 一兩 碎研 麝香 半兩

右搽取龍腦薄荷自然濃汁一盞入雄黃麝香末在
內先用藥汁洗咬處次用雞羽掃藥從填腫處掃下
入咬處瘡口中只管不住手掃令出盡黑色惡血所傷
之處即不壞爛也候血出黑盡仍用薄荷大藍滓裹
定一日一換之

用獨頭蒜酸草搗絞傅所傷處

治蛇咬瘡

用蒜去皮一升搗以小便一升煮三四沸通手即入
漬損處從夕至暮被初咬未腫速嚼蒜封六七易

治毒蛇螫人

用搗地榆根絞取汁飲兼以漬瘡

治蛇咬

用董汁生杵傅之毒即出矣

治一切惡蛇所咬命欲臨死方但一切惡蛇所傷先用

繩索迎頭繫定不使毒入臟腑即傷人性命也

雄黃 一兩 碎研 麝香 半兩

右搗取龍腦薄荷自然濃汁一盞入雄黃麝香末在
內先用藥汁洗咬處次用雞羽掃藥從填腫處掃下
入咬處瘡口中只管不住手掃令出盡黑色惡血所傷
之處即不壞爛也候血出黑盡仍用薄荷大藍滓裹
定一日一換之

治蛇咬毒入腹

用水萍搗絞汁飲妙

又方

用頭酸煮青竹筒合於螫處須臾黃水沫出即瘥

治蛇咬

用取胡瓜傅之數易良

又方

用五兒齒燒灰傅之

治蛇傷毒氣入腹悶絕不知人事

用北細辛為末或急用細嚼亦可酒調下以滓敷瘡
上尋四畔有紅線路用滓敷捍毒氣出須臾見瘡上
如火焰起乃是毒氣出也

治蛇傷方

用蒲公英科根作泥貼蛇處白麪膏藥傅之

白芷散 治蛇傷

用香白芷為末水調下頃刻咬傷處出黃水盡用末

水調塗傳瘡處如不暇研嚼傳之亦可

治惡蛇所傷

用好醋浸鴨嘴膽礬末少許塗傷藥到即愈

又方

用野藍葉取汁滴傷處又以酒和汁相浸飲一盃妙

治蛇咬人

用苦蕒搗爛傳之

治毒蛇氣入腹

用麥門冬研細沸湯調下以仙人掌研汁灌之

治白花蛇骨刺腫痛方亦治蛇咬

用生遠志搗碎酒煎服以滓罨之如無生者乾者亦得

治蛇咬

用辣母藤五葉者鹽嚼傳之以治蜈蚣螫如神

又方 出百一選方

用生龍腦傳之

治蛇傷蝮蛇螫方

出百一
選方

急取蝦蟇爛搗罨痛處極妙仍將絹片輕輕包定藥
又以頭垢傅傷處妙一方蝦蟇肝塗之一方治蛇螫
人牙折入肉中痛不可堪塗之立出一方生蝦蟇一
枚爛杵碎敷之

治蛇毒

出聖
惠方

用黃荊葉袋盛縛瘡腫上即瘡爛搗帛裹傅腫處

又方

用閉口椒并葉搗傅之止

治毒蛇咬

用杏仁去皮尖三箇定粉少許合貼傅之

治蛇咬

出十便
良方

用取獨頭蒜刀切安在瘡口上艾燒七次去毒

治蝮蛇螫人

出十便
良方

急掘地作坎以埋所螫處堅築其上毒則出土中須
臾痛緩乃出徐徐以藥療之

治蛇傷蝮螫

出肘後方

急取蜈蚣搗為泥罨在傷痛處極妙仍將絹片輕輕拴定藥又以頭垢傷處傳之一方燒蜈蚣末傳瘡上

治青蝻蛇螫

出千金方

用雄黃末傳瘡上沸汁出即愈亦用銅青傳瘡中

治蛇咬

用燒桑刀塗麝香少許和刀上以烙嚙處令皮破即瘥

又方

用生蠶蛾陰乾為末傳嚙處孔中數易之其蛾有生子者妙

治蛇螫

出聖惠方

用狼牙草六月以前用葉已後用根生咬咀以槲葉裹煑火炮令熱用布裹冷即易之

又方

用醋草熟搗以傅螫處仍將膩幘頭裹之數易其草

似初生短嫩苜蓿苗是

治蛇嚙人

用猪屎熬令焦末藍一杷水三升煮取二升投屎攪和以洗之瘡

治蛇毒 出聖惠方

用獨狼牙搗臘月猪脂和以傅毒立瘡又楊炎南行方云六月以前用葉以後用根生咬咀以槲葉裹之
瘡火炮令熱用熨瘡上冷即止

治青蝻蛇

用破烏雞熱敷之

治蝮螫人 出肘後方

用嚼鹽唾瘡上訖灸三壯復嚼鹽唾上

又方 出肘後方

用蠟及蜜等分於鐺中消令和以無節竹筒著瘡上以蠟蜜灌竹筒令下入瘡中瘡無蜜唯蠟用之亦得

又方 出肘後方

用急尿瘡中乃拔刀向日閉氣三步以刀掘地作小坑以熱湯沃坎中取泥作三丸如梧桐子大服之取少泥塗瘡上

治虺蛇毒用搗葵根以傅之一方取葵汁服之

又方

用頭垢傅瘡中

又方

用搗葎草以傅之立愈神效

治衆蛇螫

用常思葉搗取汁飲一升以滓傅瘡上又以鬼目葉傅之止其痛

又方

出肘後方

用搗鬼針草敷之

又方

出肘後方

痒

治蛇螫人瘡已合而餘毒在內或淫淫痛

用搗大蒜塗之以少鹽豉合搗尤佳備急

治蛇虺螫人搗小蒜絞之飲其汁以滓封瘡上
又方

用繩縛瘡上一寸許即毒氣不得走便令人以口啣
所螫處取毒數唾去之毒盡即不復痛口啣小腫無
苦狀

治蛇咬方

五月五日前七日即齋不得食飲酒肉五辛仍先向
桑下覓菟葵先知處記之至五月五日中時先以摸

索桑木陰一遍仍著上摸索之訖即以口嚙取菟葵
嚼使熟以唾塗手熟措令遍五月七日潔齋如後七
日內亦不得洗手後有蛇蠍螫者以手摩之即瘥止
治土蛙蛇諸蛇傷

用婆婆針或葉細插井水和服滓得甚者不過二三
服

治諸毒蛇

出十金方

用鹽四兩水一斗煮十沸沸定以湯度冷易之

治蛇咬欲死方

出海上名方

用蒼耳心爛嚼傅之立效

治蛇螫疼痛宜服此方

出聖惠方

用白礬一兩甘草一兩生用為散如蛇螫著之時心頭熱躁眼前黑用新汲水服一錢即止如有些小腫氣用白礬鹽漿水葛苴根煎三五沸淋之即除如大段蛇螫著未及修事藥物用耳塞少許入在螫著瘡口內以醎醋一滴在瘡口上即止

治蛇螫人瘡已合而餘毒在內或淫淫痛痒方

出聖惠方

用取甲煎塗之神驗蠍螫同用

治蛇咬蠍螫

出十便良方

用燒刀子頭令赤以白礬置上候成汁便熱滴於螫處立愈此極神驗得活者數十人貞元三十二年有兩僧流向鄧州俱為蛇嚙令用此法救之敷藥了便愈更無他苦

又方

出聖惠方

治蛇咬毒

用苦葫蘆根爛搗傅瘡口上立差

治遭惡蛇所螫 出聖惠方

用蛇皮貼於傷上炙之引去其毒氣即止一方煎洗

三兩度

治辟蛇法 出肘後方

肘後姚氏仙人入山草法辟蛇之藥雖多唯以武都雄黃為上帶一塊古稱五兩於肘間則諸蛇毒物莫之敢犯他人中者便磨以療之帶五帖黃丸良力丸

有蜈蚣故也人入山伐船有大赤足蜈蚣置管中繫

腰又有龜龜噉蛇帶其尾亦好日啄彌佳禁法中亦

有單行輕易者今疏其數條然皆須受而後行不爾

到山口住立存五蛇一頭乃間氣以物屈刺之因左

迴兩步思作蜈蚣數千以衣身便行無所畏也

治蛇螫人瘡已合而餘毒在內或淫淫痛癢方 出聖惠方

用遠志嚼爛以敷之并內一片子於螫瘡孔中數數

易之

又方出聖惠方

用雞子打破頭作孔合著螫處逡巡雞子黑又換以可為度

立效散出朱氏集驗方

治蛇傷垂死者

鐵蛟龍

一名水藕一名金蓮花取根二兩剉片焙乾

知母

貝母

各一兩

雄黃

半兩研

天雄

一箇生用

紫河車

三兩炙

大川烏

一箇炮

真北細辛

右細末用生地黄酒調服即愈如鼻口血來生酒地

黃加雄黃丸下如傷風隨脈證用發散藥並服之見瘡口腫不消用針腫處候毒氣出即安如有孕婦人則除天雄少用川烏忌食葷物

治蛇毒

取夾蛇龜肉搗爛傅傷處亦刮蠶龜尾以敷之其瘡便愈小黑中心折者無用不可食肉可生搗罽傅

治蛇咬瘡

以蓼蒿搗傅瘡上

豫防蛇毒

以桂栝萋為末內著竹管塞密之帶行中毒急傳之
緩乃不救

治蛇毒

以蚕休根醋磨傅之

中虺蛇毒

取芫蔚莖汁傅之

治蛇毒

以野猪齒燒作灰服

治蛇咬

以椴木葉搗細敷之

治蛇蟲咬

用生芋葉和鹽研細傅之

治蛇蟲咬瘡

以感藤葉生研敷瘡上感藤一名甘藤又名甜藤生
江南山谷如雞卵大斫藤斷吹氣出一頭甘汁甘美

如蜜

治蛇犬等毒

以青黛磨傅之

治蛇蠍螫人

以射罔塗螫處頻易

治蛇咬

以槲木皮葉煮洗亦可作屑敷之

治蛇含草毒

以豫知子急服解之

治人蛇啣者

以蜘蛛汁塗之

療一切蛇蟲蠶咬

以豫知子搗傅瘡上

治蛇咬

用猪槽中水以浸瘡有驗

治蛇咬方

取黑豆葉剉杵傅之日三易良抱朴內篇云相國張公文蔚莊在東都栢波莊內有鼠狼穴養四子為蛇所吞鼠狼雄雌情切乃於穴外坩土恰容蛇頭俟其出穴果入所坩處出頭度其回轉不及當腰咬斷而劈蛇腹銜出四子尚有氣置於穴外銜豆葉嚼而敷之皆活

治蛇咬毒

以雄黃少許末傅之登時愈蛇雖多種唯蝮蛇及青

蝮蛇中人為至急不治一日即死人不曉治之方術者為二蛇中人即以刀急割瘡肉投地其肉即如火灸須臾盡焦而人得活也此蛇七月八月毒盛之時不得嚙人其毒不泄乃以牙刺大竹木即時焦枯

治蛇咬

以射罔塗肉四畔漸近瘡習習逐病至骨瘡若有熟膿及黃水出者塗之若無膿水有生血及新傷肉破即不可塗立殺人

治蛇咬

用苦苣莖葉研碎傅傷處苦苣即萬苣也

治蛇蟲咬傷瘡痛

以烏薺莓根搗傅并飲其汁良

治蛇咬毒悶欲死

續隨子七顆

味辛温有毒去皮

重臺

六分味苦微寒有毒去絲蚤產出滁川葉

似鬼白

右二味搗篩為末酒服方寸匕兼唾和少許傅咬處

立瘥

治蛇蟲傷

搗蒜貼之熟醋浸之經年者良

治蛇犬咬毒

取黃藥根研塗之一方研汁服亦得

治蛇毒

用水蓼葉冷搗傅之若毒入内心悶絞汁服

治蛇咬

以韭搗傅之

治蛇咬

用荏子葉搗傅之

治蛇處毒諸瘡

以菟葵搗汁飲之及塗瘡能解毒止痛

治蛇咬

以蚯蚓尿并鹽研傅之

治蛇犬等咬

以熱尿淋患處

治蛇咬犬毒

用梅根以酒及水磨服傅之亦佳

療蝮蛇瘡

用絡石絞取汁洗之服汁亦去蛇毒心悶

治蛇蠍所咬

用松灸熨之

治蛇咬

以馬蘭生搗汁服之

治蛇咬

以苦杖葉搗傅傷處

治蛇毒

用獨行根水磨為泥傅之日三四立瘥

治蛇咬毒

食茱萸子一兩為末冷水調分為三服立瘥

主蛇虺及蟲等螫

以蛇芮草取根葉搗傅咬處當黃水

主蛇咬

以萬靈藤杵篩以水和如泥傅上

治青蛙蛇毒

急灸瘡中三五壯毒則不行又用雄黃乾薑末射罔
和之傅瘡

治毒蛇所傷

五靈脂一兩雄黃半兩同為末以酒調藥二錢嚥之

昔有人被毒蛇所傷良久之間已昏人困有老僧以酒調藥二錢灌之遂甦及以藥滓塗咬處良久復嚙二錢其苦皆去問之乃此方耳

治蛇蟲食飲中得之咽中如有物不下吐不出悶心熱服馬兜鈴即出又服麝香一錢匕即吐蟲出

治諸毒所傷

用青黛雄黃等分同研為末新汲水調下二錢匕

治蛇犬虎狼毒惡蟲等嚙

右以鐵漿涼服之解毒不入腹內也

治蛇虺螫人

用茭草根燒灰封之

本草云茭草菰根也

治蛇虺蟲螫

右以紫珠煎汁服之

治蛇蟲咬及毒箭

用薺芫根

味甘寒

搗末以酒服之

治蛇傷

右以五靈脂為末酒調二錢服仍以少末搽瘡口妙又方

右用雄黃為末以猪血調傅

治中蛇毒

以細辛雄黃等分為末內瘡口三四易之

蝎螫 附論

凡蠍螫人有雌雄之辨雄者痛止一處雌者流散無定世傳禁祝之法雖衆然湯熨塗傅之劑亦不可廢也

凡蠍五月六月毒最盛時云有八節九節者毒氣彌甚螫人毒氣流行牽引四肢皆遍過一周時方始定也

方

吹鼻散 治蠍螫

藜蘆 去蘆頭 丁香 蜀葵花藥 猪牙皂夾 酥炙去皮

單撥 各半兩

右搗為末每用一字螫左邊吹右鼻螫右邊吹左鼻

中一方用麝香

蠍螫藥 治蠍螫

白礬 生

川烏

半夏 生

乾薑 生

黃丹

各等分

右為細末醎醋調塗螫處效

雄黃消毒膏

治蠍螫不可忍

雄黃

信 各半兩

巴豆 三錢

白礬

生一兩

右為細末黃蠟半兩鎔開入藥末銚內攪勻為定子如棗大用時將定子簽於燈焰上灸開滴於螫著處其痛立止

雄黃蠟丸 治蠍螫不拘男女疼痛不可忍者

煮酒蠟

半兩

木鱉子

三箇去殼

巴豆

二七枚去皮

雄黃末

一錢

右件除蠟外研勻化蠟為丸如彈子大用時以火灸磨痛處五月五日或四殺日合之忌見雞犬婦人

單撥散 治蠍螫卒疼藥未及者水洗方

單撥

膩粉

麩仁

木鱉子

各等分

右取五月五日午時面南搗為細末修合之時不可令婦人孝子見螫著右邊以少許點左眼螫著左邊

點右眼

馬齒塗敷方 治蠍螫

馬齒莧 生切 大蒜 生切二味各半兩共研細 乾薑 一分不炮為末

右一處和勻塗螫處

止痛出毒散 治蠍螫

石榴花 艾葉心 蜀葵花 各等分

右搗為末水和塗之 五月五日午時取陰乾佳

虎骨散 治蠍螫卒痛

虎骨頭 炙 板藍子 萆撥 各一分

右於五月五日午時搗為細末用燈心點藥少許於眼大眦男左女右點之神效如卒暴用不必動五日合

硼砂散 治蠍螫方

右取齒中殘飯傅之又猪脂傅之又射罔傅之硼砂和水塗上愈

蜀葵花散 治蠍子咬

雄黃錢二

李子仁錢一

蜀葵花葉

五月五日午時採取半錢

右為末針於蠍傷疼處撥用藥擦之

一上散 治蠍螫痛

半夏一字生用為細末

雄黃一字另研

巴豆一箇去皮研如泥

右同和勻敷上

膩粉散 治蠍螫

膩粉一錢 香墨少許 葶撥少許

右搗為散每用半麥許大背角男左女右其痛立止

五穀方 治蠍毒

右以五穀燒作灰熱塗之和松脂雄黃燒灰更良作法如甲煎為之

熨痛丸 治蠍螫

雄黃研 礬石熬令汁枯各半兩

右再同研消蠟和乘熱丸如彈子大以蠟紙收藏遇螫將藥火上炙令熱熨痛處冷又炙數次此藥不限年歲常收用之

礬夏散 治蠍螫痛不可忍

右用白礬半夏等分為末釀醋調貼痛止毒出

鈇丹塗傅方

出肘後方

治蠍螫疼痛不定

右用鈇丹半兩研細以醋調塗螫處

治蠍螫卒痛藥未及者水洗方

出千金方

右以新汲冷水若著手足以冷水漬之水微暖則易

之著餘處者冷水浸故布揄之小暖則易

治蠍螫方

出千金方

凡蠍有雌雄雄者痛止在一處雌者痛牽諸處若是

雄者用井底泥塗之溫則易雌者用當瓦屋溝下泥

傅之若治無雨可用新汲水從屋上淋下取泥

治蠍毒及壁鏡毒人

出仁存方

右鎔化白礬乘熱滴傷處痛止毒出

治蠍螫方

出千金方

用取生烏豆為末唾和傅之一方以頭醋調傅之一

方嚼乾薑塗之

治蠍螫

用研蜘蛛汁傳之瘥

治蠍螫人痛不止

出仁存方

用猫兒糞塗傷處日三復易

治蠍螫人

取半夏用水研塗之立愈

治蠍毒

麻蕒葉搗傳之效

麻蕒今人績布者是也

治蠍螫人痛不止方

用楮樹白汁塗之立瘥

治蠍螫

出朱氏集驗方

用礬石一兩醋半升煎之投礬末於醋中浸螫處并

底泥傳

治蠍螫

出肘後方

用醋磨附子傳之

治蠍螫

出聖惠方

用蜀葵花心陰乾為細末唾浸調貼一方龍絞葵汁塗之

治蠍螫

出海上名方

以生地磨生薑塗之

又方

出海上名方

用南星末醋調擦之

治蠍螫

出聖惠方

用猪脂擦之又以冷水浸之自效

治蠍螫人

用畫地作十字取上土水服五分匕

又方

用嚼茱萸以傅之立愈

又方

出聖惠方

用深削桂心醋磨塗之立定

又方

用按馬莧菜傅之瘡

又方 出十便良方

用搗蒜塗之

療蠍螫人

用温酒以漬之又搗豉作餅如錢大貼螫處以艾灸

七壯

療蠍螫人

用苦李子仁嚼以傅之即瘥

又方

用按蛇銜取汁以傅之瘥

又方

用木梳率取此螫處即以木梳合之便瘥

又方 出肘後方

用按鬼針草取汁傅之即瘥

治蠍毒螫人

右於五月五日取椿樹上膠捻作塊子以椿葉裏藏
淨器中螫時即取膠就火上微烘於患處熱按之二

三次愈

又方 出聖惠方

用射罔草搗傅之温酒漬之又射罔汁塗之

治蠍螫不以男女疼痛不可忍者 出旅舍方

用葱白切一片厚二分許置所螫處以艾炙三壯

又方 出聖惠方

用温醋漬所痛處數易之愈須豫為温下醋湯方妙
不爾離醋極痛

治蠍螫傷

詩曰曾聞蠍螫徹心田休候雞兒叫曉天耳塞調來

疼處抹除毒滅痛却依元

治蠍螫 出德生堂方

用酸醋先滴在疼痛處即以膽礬末擦之

又方 出德生堂方

用知母嚼爛吐疼處

又方 出德生堂方

患者自把口啞或他人啞之徐吐去毒不疼為度

治蠍螫

出德生堂方

即以前神仙奪命丹一丸磨水塗之立住疼三上無

不驗

奪命丹方見咽喉門喉痺類

治蠍螫人

用石榴花葉及皮爛搗炒令熱傅疼上冷即換之

又方

出聖惠方

用黑角梳掌熱炙熨之

又方

出聖惠方

五月五日取蝸牛殼黃色者三七枚為末要用時以

醋調塗之甚效

又方

四月八日五更時取蒼耳陰乾搗為末每用以醋調

傅之

又方

用驢耳垢傅之

又方

用滴蠟燭熱脂於螫處三兩度即愈

治蠍螫著手足方

用雄黃末少許醋調塗之

治蠍螫人

用人參嚼以傅痛處立瘥又黃丹塗之瘥

又方

用溫湯浸之良

又方

用礪砂以水研塗之立愈

治蠍螫

急作小艾炷於螫處灸煖小便洗

烏白散 治蠍螫不可忍

烏魚骨 一兩 白礬 二錢

右同碾極細末每用不拘多少在左壁者左鼻孔內

嗜之如在右者右鼻嗜之

治蠍螫

蒿苳子入鹽同嚼貼痛處少時其痛便止

治蠍毒

以槐枝炮熨之

治桑蠍咬人

用丁香末蜜調塗

治蠍螫人

嚼乾薑塗之

治蠍螫

以火槽頭橫井上立愈

治蠍咬

以烏頭末少許頭醋調傅之

治蠍毒

以麻葉搗汁傅之良

治蠍角法 甄立言此蠍毒陰蛇即非蜂蜈蚣之輩自

有小小可忍者有經一日一夜不忍忍者京師偏饒

蟲通用諸藥塗傳不能應有時效

以意用竹依作小角留一節長三四寸孔徑四五分
若指上可取細竹作之纔令搭得螫處指用大角角
之氣漏不啣胡角不厭大人即啣急瘥速作五四枝
鑄內熱煮取以角螫處冷即換初被螫先以針刺處
出血然後角之熱畏傷肉以冷水暫浸角口二三分
以角之此神驗不可以口啣毒入腹殺人軌公云灸
即瘥以熱角啣之猶火灸也

普濟方卷三百七

總校官候補知府臣葉佩蓀

校對官編修臣張九鍾

謄錄監生臣盧光璐